

六度集經卷第四

萬四

吳天竺三藏法師康僧會譯

戒度無極第二

凡十  
第五章

戒度無極者厥則云何狂愚兇虐好殘生命  
貪饕盜竊姪決穢濁兩舌惡罵妾言綺語嫉  
萬四  
恚癡心危親戮聖謗佛亂賢取宗廟物懷兇  
逆毀三尊如斯尤惡寧就脯割菹醢市朝終  
而不爲信佛三寶四恩普濟矣

昔者菩薩爲清信士所處之國其王行真勸  
導臣民令知三尊執戒奉齋者損賦除役黎

庶巨細見王尚賢多僞善而潛行邪王以佛  
戒察觀民操有外善內穢違佛清化即權令  
而勑曰敢有奉佛道者罪至棄市訛善之徒  
靡不釋真恣心從其本邪菩薩年耆懷正真  
弘景之明聞令驚曰釋真從邪獲爲帝王壽  
齊二儀富貴無外六樂由心吾終不爲也雖  
一食之命得覩三尊至真之化吾欣奉之懷  
俗記籍萬億之卷身處天宮極天之壽而闇  
於三尊不聞佛經吾不願也稟佛之一言即有  
戮死之患吾甘心焉經云衆生自投三塗獲

人道難處中國難六情完具難生有道國難  
與菩薩親難覩經信之難貫奧解微難值高  
行沙門清心供養難值佛受決難吾宿功著  
今覩佛經獲奉三寶若值無道菹醢之酷湯  
火之厄終不釋正從彼妖蠱也王命有司廉  
察違命者戮之市朝廉人見菩薩志固不轉  
奉事三尊至意不虧即執之以聞王曰戮之  
於市陰使人尋聽察其云菩薩就死誠其子  
曰乾坤始興有人之來衆生處世以六情亂  
行甚於狂醉眇覩三尊導清明化也爾幸知

法慎無釋之夫捨佛法之行而爲鬼妖之僞  
者國喪必矣吾寧捨身不去真也王今恃誤  
爾無從焉廉者以聞王知行真即欣而請之  
執手昇殿曰卿真可謂佛弟子者矣拜爲國  
相委任治政捨佛清化之傳者復其賦役於  
萬四是國境莫不尚善佛告諸沙門時國王者彌  
勒是也清信士者吾身是也菩薩執志度無  
極行持戒如是

昔者菩薩身爲象王其心弘遠照知有佛有  
法有比丘僧常三自歸每以普慈拯濟衆生

誓願得佛當度一切從五百象時有兩妻象  
王於水中得一蓮華厥色甚妙以惠適妻適  
妻得華欣懌曰水寒尤甚何緣有斯華乎小  
妻貪嫉恚而誓曰會以重毒鳩殺汝矣結氣  
而殞魂靈感化爲四姓女顏華絕人智慧流  
通博識古今仰觀天文明時盛衰王聞若茲  
娉爲夫人至即陳治國之政義合忠臣王悅  
而敬之每言輒從夫人曰吾夢覩六牙之象  
心欲其牙以爲珮几王不致之吾即死矣王  
曰無妖言也人聞笑爾夫人言相屬心生憂

結王請議臣四人自云已夢曰古今有斯象  
乎一臣對曰無有之也一臣曰王不夢也一  
臣曰嘗聞有之所在彌遠一臣曰若能致之  
帝釋今翔於茲矣四臣即召四方射師問之  
南方師曰吾亡父常云有之然遠難致臣上  
聞云斯人知之王即現之夫人曰汝直南行  
萬四三千里得山入山行二日許即至象所在也  
道邊作坑除爾鬚髮著沙門服於坑中射之  
截取其牙將二寸來師如命行之象遊處先  
射象著法服持鉢於坑中止住象王見沙門

即低頭言和南道士將以何事賊吾軀命曰  
欲得汝牙象曰吾痛難忍疾取牙去無亂吾  
心令惡念生也志念惡者死入太山餓鬼畜  
生道中夫懷忍行慈惡來善往菩薩之上行

也正使道骨脯肉終不違斯行也修斯行者

死輒上天疾得滅度矣人即截牙象曰道士  
當却行無令羣象尋足跡也象道人去遠其  
痛難忍躰地大呼奄忽而死即生天上羣象  
四來咸曰何人殺吾王者行索不得還守王  
哀號師以牙還王覩象牙心即慟怖夫人以

牙著手中適欲視之雷電霹靂推之吐血死  
入地獄佛告諸沙門爾時象王者我身是也  
大婦者裘夷是獵者調達是夫人者好首是  
菩薩執志度無極行持戒如是

昔者菩薩爲鸚鵡王常奉佛教歸命三尊時  
當死死不犯十惡慈心教化六度爲首爾時  
國王好食鸚鵡獵士競索覩鵡羣以網收  
之盡獲其衆貢于太官宰夫牧馬肥即烹之  
爲肴鵡王深惟衆生擾擾赴獄喪身迴流  
三界靡不由食告從者曰除貪損食體病小

苦命可冀矣愚者饕餮心無遠慮猶若慳子  
貪刀刃之渺密不知有截舌之患吾今裁食  
爾等則馬鷗鵠王日瘦由其籠目勢踊得出  
立籠上曰夫貪惡之大無欲善之景矣重曰

諸佛以貪爲獄爲網爲毒爲刃爾等損食可

如余焉菩薩自斯若爲凡人麤食供命弊衣  
蓋形以貪戒心無日不存福爲帝王輒以佛  
智觀國之累福高弘多其爲難筭矣非常無  
牢惟苦無樂夫有輒滅身爲僞幻難保猶窮  
難養若狼有眼觀焉靡不寒慄苦薩世世以

戒爲行遂成如來無所著正真道最正覺爲  
天人師佛告諸比丘時鷗鵠王者吾身是也  
人王者調達是也菩薩執志度無極行持戒  
如是

昔者菩薩爲王太子名曰法慧內清外淨常  
以履邪之禍自戒其心尊聖孝親慈濟衆生  
太子朝覲轉頃相國進退如禮未嘗失儀王  
之幸妾內懷邪姪出援太子太子力爭而獲  
免焉拍相首曰去矣其冠墮地相首無髮內  
妻笑之恥而懷忿妾向王泣曰妾雖微賤猶

是王妻太子不遜有欲于妾王曰太子履操  
非佛志不念非佛教不言非佛道不行八方  
歎德諸國莫如豈有非乎讒言繳數以惑王  
心王曰骨肉相殘謂之亂賊吾不爲也拜爲  
邊王去國八千里曰爾鎮境外則天行仁無  
萬四  
殘民命無苟食困黎庶尊老若親愛民若子  
慎修佛戒守道以死世多斲僞齒印之教爾  
乃信矣太子稽首泣涕曰不敢替尊誨即就  
祿土五戒十德慈化國民處位一年遠民慕  
潤歸化雲集增戶萬餘以狀上聞歎王德潤

遠照使然王逮后妃喜而歎之妾殊懷怨與  
相爲姦謀除太子伺王卧出以蠟作印詐爲  
書爾有慢上之罪不忍面誅書到疾脫眼瞳  
子付使還國使往至羣臣僉曰斯妖亂之使  
非自大王也太子曰大王前齒今者信現愛  
身違親謂之大逆矣即與羣臣相樂三日遍  
行國界周窮濟乏以佛景模慈心訓民募能  
脫眼者賣芻兒即爲出眼以付使者函之馳  
還本土相國以付嬖妾嬖妾懸著牀前罵曰  
不從吾欲鑿眼快乎大王夢蛇蜂蟄太子目

寤即哽噎曰吾子將有異乎嬖妾曰王存之至聊有斯夢必無異也太子以琴樂索食濟命展轉諸國至妃父王之國王有妙琴呼而聽之其音咨嗟已先王之德末爲孤兒無親之哀音其妃解音哽噎曰吾君子窮哉王曰何謂妃具陳之辭親曰斯自妾命女二其姓非貞也請翼從至孝之君子二親舉哀妃將太子還其本國王聞有妙琴者呼而作之形容顚頽惟識其聲王曰汝是吾子法慧者乎太子伏地哽噎王后宮人舉國巨細莫不哀

慟妃本末陳之王曰嗚呼女人不仁猶梗飯之祿毒佛教遠之不亦宜乎即收相國及嬖妾以棘笞之烊膠滴其瘡中燭即裂之爲坑生埋矣佛告諸比丘太子宿命嘗賣白珠彼妾時爲富姓女乘車行路相國時爲御者呼賣珠童曰視汝珠來持珠而不買姪萬四視言調童子恚曰不還吾珠而爲姪視吾鑿汝目安及御者俱曰棘笞膠滴裂肉生埋汝可乎夫善惡已施禍福自隨猶影之繫形惡熟罪成如響之應聲爲惡欲其無殃猶下種令不生

矣菩薩受佛淨戒寧脫眼而死不犯婬生也爾時太子法慧者我身是也相國者調達是嬖妾者調達妻是也菩薩執志度無極行持戒如是

昔者菩薩兄弟三人遭世枯旱黎民相噉俱行索食以濟微命經歷山險乏食有日兩兄各云以婦濟命可乎大兄先殺其妻分爲五分小弟仁惻哀而不食中兄復然弟殊哽噎兩兄欲殺弟妻弟曰殺彼全已非佛仁道吾不爲也將妻入山採果自供處山歷年山中

有一跋人婦與私通謀殺其婿詭曰妻義當勞養而君爲之明日翼從願俱歷苦曰山甚險阻爾無行也三辭不從遂便俱行婦覩山高谷深排墻落之水邊有神神接令安婦喜得所還跋共居墻尋水行覩賈人焉本未自陳費人愍之載至豐國其國王崩又無太子羣臣相讓適無立者令梵志占行路之人有應相者立之爲主梵志覩菩薩即曰善哉斯有道之君可爲兆民天仁之覆矣羣僚黎庶揮淚歎善莫不稱壽奉載入宮授以帝位即

以四等養民衆邪之術都廢之矣授以五戒  
宣布十善率土持戒於是天帝祐護其國鬼

妖奔遁毒氣消歇穀果豐熟鄰國化正仇憾  
更親襁負雲集婦嬰其跛瘞入國乞匱陳昔  
將壻避世之難今來歸仁國人巨細莫不雅  
奇僉曰賢婦可書矣夫人曰可重賜也王即  
視婦問曰識天子不婦怖叩頭王爲宮人本  
末陳之執正臣曰斯可戮矣王曰諸佛以仁  
爲三界上寶吾寧殞軀命不去仁道也夫人  
使人驅之出國掃其足跡佛告鷲鷲子王者

吾身是跋人者調達是婦者好首是也菩薩  
執志度無極行持戒如是

昔者菩薩時爲凡夫博學佛經深解罪福衆  
道醫術禽獸鳴啼靡不具照覩世憤濁隱而  
不仕尊尚佛戒惟正是從處貧窮爲賣貨  
擔過水邊飲羣鳥衆噪賣人心懼歛然毛豎  
菩薩笑之飲已即去還其本土顧其貨者曰  
烏鳴爾笑將有異乎答曰烏云彼有白珠其  
價甚重汝殺取其珠吾欲食其肉故笑之耳  
曰爾不殺爲乎答曰夫不覩佛經者爲滔天

之惡而謂之無殃斯爲自欺矣吾覩無上正真之典籍觀菩薩之清仁蜎飛蚊行蟻動之類愛而不殺草芥非已有即不取夫好殺者不仁好取者不清吾前世爲好取之穢今獲其殃處困陋之貧爲子貨客今又犯之種無量之罪非佛弟子矣吾寧守道貧賤而死不

萬四

<sup>八</sup>不移邁海神訛與貨主夢曰汝棄貧人吾與汝去貨主得夢愴然悼之私密言議貧人微察具照所以曰無以吾一人之體喪衆命也

爲無道富貴而生也貨主曰善哉惟佛教真菩薩執志度無極行持戒如是

昔者菩薩處世貧困爲賣人貨入海採利船住不行賣人巨細靡不恐懼請禱神祇上下

九族欣憚貧人以三自歸五戒十善奉齋餟悔慈向眾生故得是福貧人者我身是也菩

周旋貧人惟三自歸守戒不犯悔過自責日夜各三慈心誓願十方衆生莫有恐怖如吾今日也吾後得佛當度斯類矣乃至七日船

不移邁海神訛與貨主夢曰汝棄貧人吾與汝去貨主得夢愴然悼之私密言議貧人微察具照所以曰無以吾一人之體喪衆命也

爲無道富貴而生也貨主曰善哉惟佛教真菩薩執志度無極行持戒如是

昔者菩薩處世貧困爲賣人貨入海採利船住不行賣人巨細靡不恐懼請禱神祇上下

九族欣憚貧人以三自歸五戒十善奉齋餟悔慈向眾生故得是福貧人者我身是也菩

薩執志度無極行持戒如是

昔者菩薩守戒隱居不慕時榮依蔭四姓為  
其守墓若有喪葬輒展力助喪主感焉以寶  
惠之所獲多少輒還四姓四姓曰子展力致  
此寶故為相還道士曰吾守君野彼葬君地  
萬四九  
大義論之寶即君有也四姓歎曰善哉古之  
賢者豈能踰乎即擇青衣中有賢行兼華  
子恥焉童子後至女重請珠母曰前事之恥  
可為今戒也女曰觀此童儒有仁人之相非  
前貪殘矣又以示之童儒曰斯紫磨金也盡  
吾貨易之可乎母曰諾童子曰白吾金錢二  
枚以顧渡耶舅尋還曰今以少珠惠汝取屬

昔者菩薩身為凡人歸命三尊守戒不虧與  
舅俱行街賣自濟之彼異國舅先渡水止獨  
母家家有幼女女啓母曰後有漂槃可從賣  
人易白珠也母順女意以示賣人以刀刮視  
照其真寶佯投地曰汙吾手矣即出進路母  
子恥焉童子後至女重請珠母曰前事之恥  
可為今戒也女曰觀此童儒有仁人之相非  
前貪殘矣又以示之童儒曰斯紫磨金也盡  
吾貨易之可乎母曰諾童子曰白吾金錢二  
枚以顧渡耶舅尋還曰今以少珠惠汝取屬

槃來母曰有良童子盡以名珠顧吾金槃猶謝其賤矣爾不急去且加爾杖勇至水邊踢地呼曰還吾寶來性急椎曾吐血而死甥還其金已覩殞矣哽噎曰貪乃至於喪身乎菩薩守信以獲寶調達食欺以喪身童子者吾身也舅者調達是菩薩執志度無極行持戒如是

昔者菩薩無數劫時兄弟資貨求利養親之于異國令弟以珠現其國王王覩弟顏華欣然可之以女許焉求珠千萬弟還告兄兄追

之王所王又覩兄容貌堂堂言輒聖與雅相難齊王重嘉焉轉女許之女情逸豫兄心存曰婿伯即父叔妻即子斯有父子之親豈有嫁娶之道乎斯王處人君之尊而爲禽獸之行即引弟退女登臺望曰吾爲魅靈食兄肝可乎展轉生死兄爲獮猴女與弟俱爲鱉鱉妻有疾思食獮猴肝雄行求焉覩獮猴下飲鱉曰爾嘗覩樂乎答曰未也曰吾舍有妙樂爾欲觀乎曰然鱉曰爾昇吾背將爾觀矣昇背隨焉半溪鱉曰吾妻思食爾肝水中何樂

之有乎獮猴心恧然曰夫戒守善之常也權濟難之大矣曰爾不早云吾以肝懸彼樹上鱉信而還獮猴上岸曰死鱉蟲豈有腹中肝而當懸樹者乎佛告諸比丘兄者即吾身是也常執貞淨終不犯姪亂畢宿餘殃墮獮猴中弟及王女俱受鱉身雄者調達是雌者調達妻是菩薩執志度無極行持戒如是

昔者菩薩乘船度海採寶濟乏海邊有城苑園備有華女臨渚要其輩曰斯國豐沃珍寶恣求可屈入城觀民有無賚人信從鬼魅厭

惑遂留與居積年有五菩薩感思二親本土出城登山四顧遠望覩一鐵城中有丈夫首戴天冠儼然恭坐謂菩薩曰爾等惑乎以麁魅爲妻捐爾二親九族之厚爲鬼所吞豈不感哉爾等無寐察其真詮矣方有神馬翔茲濟衆可附旋居全爾身命若戀蠱毒死入斯城衆毒普加悔將無救菩薩承命訛寐察之覩真如云厥心懼焉明日密相告等人僉然各伺覩妻變爲狐體競爭食人靡不撫然曰吾等死矣相驚備豫懈即喪矣馬王臻曰孰

有離居心懷所親疾來赴茲吾將濟爾賣人  
喜曰斯必天也羣馳歸命妻即抱子尋跡哀  
慟其辭曰怨呼皇天爲妻累載今以爲鬼哀  
聲傷情辭詣王所厥云如上今者惶惶無由  
自恃惟願大王哀理妾情王召菩薩問其所  
由即以所覩本末陳之王覩色美疾遣婿去  
內之後宮爲其姪荒國政紛亂鬼化爲狐日  
行食人爲害滋甚王不覺矣後各命終生死  
輪轉菩薩積德遂得爲佛孤鬼魂靈化生梵  
志家有絕妙之色佛時於作法縣求食食畢

出城坐樹下梵志覩佛相好容色紫金項有  
日光若星中月覩佛若此其喜無量歸白兒  
母吾女獲婿其爲世雄疾以名服具世諸好  
梵志家室携女貢之道覩足跡妻曰斯無欲  
之神雄豈以姪邪亂其志乎父曰吾女國之  
上華胡高德而不迴耶妻即頌其義曰姪者  
曳足行多恚斂指步愚者足築地斯跡天人  
尊無自辱也

父曰爾薄智也戾而行矣以女獻馬世尊告  
曰第六魔天獻吾三女變爲老鬼今爾屎囊

又來何爲梵志恧然妻重恥之時有除饉進  
稽首曰願以惠余世尊戒曰爾昔爲王女時  
爲鬼以色誑爾吞盡爾民爾不厭乎除饉恥  
焉退禪獲定得溝港道佛告鴛鴦子菩薩自  
受城中人戒已旋家歸命三尊自誓辭云時  
第十四  
當死死不復犯如來應儀正真覺清淨重戒  
積戒弘多佛道遂成爾時實者吾身是也王  
者今比丘是鬼者梵志女是城中天人者鴛  
鴦子是菩薩執志度無極行持戒如是  
太子慕魄經

聞如是一時佛在聞物國祇樹給孤獨園是  
時佛告諸沙門往昔有國名波羅柰王有太  
子名曰慕魄生有無窮之明過去現在未來  
衆事其智無疑端正暉光猶星中月王惟有  
一子國無不愛而年十三閉口不言有若瘡  
人王后憂焉呼諸梵志問其所由對曰斯爲  
不祥也端正不言何益大王後宮無嗣豈非  
彼害哉法宜生埋之必有貴嗣王即恧然入  
與后議后逮宮人靡不哀慟嗟曰奈何太子  
祿薄生獲斯殃哀者塞路猶有大喪具著寶

服以付喪夫喪夫奪其名服都共為冢墓魄  
惟曰王遠國人信吾真瘞即默斂衣入水淨  
浴以香塗身具著寶服臨壙呼曰爾等胡為  
答曰太子瘞聾為國之害王命生埋冀生賢  
嗣曰吾即慕魄矣喪夫視車霍然空虛觀其

萬四

十三

形容曜曜有光草野遐邇猶日之明聖靈巨  
勢神動靈祇喪夫巨細靡不懾驚兩兩相視  
顏貌黃青言成文章靡不畏焉仰天而曰太  
子靈德乃之于斯乎即叩頭陳曰願旋寧王  
令衆不嗟太子曰爾疾啓王云吾能言人即

馳聞王后兆民甚怪所以心歡稱善靡不悅  
豫車馳人奔殷填塞路慕魄曰吾獲為沙門  
虛靜之行不亦善乎意始如之帝釋即化為  
苑池樹木非世所覩即去衆寶衣化為袈裟  
王到已太子五體投地稽首如禮王即就坐  
聞其言聲光影威靈二儀為動王喜喻曰吾  
有爾來舉國敬愛當嗣天位為民父母對曰  
惟願大王哀採微言吾昔嘗為斯國王名曰  
須念處國臨民二十五年身奉十善育民以  
慈鞭杖衆兵都息不行囹圄無繫囚路無怨

嗟聲惠施流布潤無不周但以出遊翼從甚  
衆尊臣馳除黎庶惶懼終入太山燒煮割裂  
積六萬年求死不得呼嗟無救當爾之時內  
有九親表有臣民貲財億載衆樂無極寧知  
吾入太山地獄燒煮衆痛無極之苦乎生存  
之榮妻子臣民孰能分取諸苦去乎惟彼諸  
毒其爲無量每一憶之心怛骨楚身爲虛汗  
毛爲寒豎言往禍來殃追影尋身雖欲發言  
懼復獲咎太山之苦難可再更是以縮舌都  
欲無言始十三年而妖導師令王生埋吾懼

大王獲太山之咎勢復一言耳今欲爲沙門  
守無欲之行觀衆禍之門不復爲王矣願無  
怪焉王曰爾爲令君行高德尊率民以道過  
猶絲髮非人所憶以之獲罪酷烈乃如之耶  
如吾今爲人主從心所欲不奉正法終當何  
之乎即聽學道王還治國以正不邪遂致豐  
樂慕魄即自練情絕欲志進道真遂至得佛  
萬四  
廣說景模拯濟衆生以至滅度佛告諸比丘  
時慕魄者吾身是也父王者今白淨王是也  
母者吾母今舍妙是也夫榮色邪樂者燒身

之鑑矣清淨憺怕無患之家矣若欲免難離罪者無失佛教也爲道雖苦猶勝處于三塗爲人即遠貧窶不處八難矣學道之志當如佛行也欲獲緣一覺應真滅度者取之可得佛說經竟諸沙門莫不歡喜稽首作禮

彌蘭經

聞如是一時佛在舍衛國祇樹給孤獨園時諸沙門閑居深惟世人習邪樂欲自始至終無厭五樂者也何謂五樂眼色耳聲鼻香口味身細滑夫斯五欲至其命終豈有厭者乎

日中之後俱詣佛所稽首佛足退立白言吾等世尊惟世愚者惑于五欲至厥命終豈有厭者不佛告之曰覩世無足於彼五樂矣昔有五百商人入海採利中有智者名曰彌蘭爲衆師御海有神魚其名摩竭觸敗其船衆皆喪身彌蘭騎板僅而獲免風漂附岸地名鼻摩登岸周遊庶自蘇息覩一小徑尋之而進遙見銀城樹木茂盛間有浴池周旋四表甘水繞之有四美人容齊天女奉迎之曰經涉巨海厥勞多矣善賀吉臻今斯銀城其中萬四十五

衆寶黃金白銀水精瑠璃珊瑚琥珀碑碣爲殿  
殿妾等四女給仁使役晚息夙興惟命所之  
願無他遊彌蘭入城昇七寶殿歡娛從欲願  
無不有處中千餘年彌蘭惟曰斯諸王女不  
令吾邁其有緣乎伺四女寢竊疾亡去遙覩  
金城有八玉女迎辭如上玉女華容又踰四  
人城中寶殿名曰眉末明月真珠諸寶踰前  
壽數千萬歲又疑八女不令吾邁其有由乎  
伺其卧出竊疾亡去又覩水精城有十六玉  
女出迎之矣其辭如上要將入城昇七寶殿

城殿衆寶玉女光華踰前居中歲數又數千  
萬意不厭足又伺諸女卧出亡去復覩瑠璃  
寶城光曜奕奕有三十二女出迎跪拜虔辭  
如上要請入城昇七寶殿殿名鬱單其中衆  
寶妓樂甘食女色踰前處中久長年數如上  
又伺諸女卧出亡去遙覩鐵城莫無迎者彌  
蘭惟曰銀城四女金城有八水精十六瑠璃  
三十二玉女光世修虔相迎今不迎者將以  
貴故乎周城一帀有鬼開門彌蘭入城即見  
其鬼鬼名俱引鐵輪炯然走其頭上守罪人

鬼取彼頭輪著彌蘭頭上腦流身燋彌蘭流  
淚曰自四之八自八之十六自十六之三十  
二處縛屑末殿鬱單殿吾以無足之行故獲  
斯矣何當離斯患乎守鬼答曰其年之數如  
子來父子免斯殃矣火輪處彌蘭頭上六億  
萬四  
六

足惟得道乃止耳佛告諸沙門彌蘭出大山  
獄閉心三惡絕口四刃檢身三尤孝順父母  
親奉三尊戴戒爲冠服戒爲衣懷戒爲糧味  
戒爲肴食息坐行不忘佛戒跬步之間以戒  
德成自致爲佛凡人之行不孝於親不尊奉  
師吾覩其後自招重罪彌蘭其類乎夫爲惡  
所以然者未奉三尊時愚惑信邪母沐浴著  
新衣卧吾蹈母首故太山以火輪轢其首耳  
又常以四月八日持八關齋中心歡喜故獲  
寶城壽命巨億所願從心無求不獲覩世無

聞如是一時佛在舍衛國祇樹給孤獨園是

項生聖王經

時阿難閑居深惟衆生自始至終默五欲者  
訥過日中後至佛所稽首畢退白言惟世尊  
吾閑坐深惟衆生知足者訥不厭五欲者衆  
世尊歎曰善哉善哉如爾之云所以然者往  
古有王名曰頂生東西南北靡不臣屬王有  
萬四十七  
七寶飛金轉輪力白象紺色馬明月珠玉女  
妻聖輔臣與兵臣王斯七寶覩世希有又有  
千子端正妍雅聰明博智天下稱聖益力伏  
衆有如師子也王旣聖且仁普天樂屬壽有  
億數王意存曰吾有拘耶尼一天下地縱廣

三十二萬里黎庶熾盛五穀豐沃比門巨富  
世所希有吾國兼焉雖其然者願彼皇乾雨  
金銀錢七日七夜惠吾若茲不亦善乎天從  
其願下二寶錢滿其境界天寶之明奕奕曜  
國王喜無量天下拜賀日與羣臣歡喜相樂  
民皆稱善獲無極樂數千萬歲王又念曰吾  
有西土三十二萬里七寶之榮千子光國天  
雨寶錢世未嘗有雖其然者吾聞南方有闍  
浮提地廣長二十八萬里黎庶衆多靡求不  
獲吾得彼土不亦快乎王意始存金輪南向

七寶四兵輕舉飛行俱到其土彼王臣民靡不喜從其土君民終日欣欣王止教化年數如上王又念曰吾有西土今獲南土天人衆寶何求不有今聞東方弗于逮土三十六萬里其土君民寶穀諸珍無願不有吾獲其土不亦快乎始云爾金輪東向七寶四兵飛行俱至君臣黎庶靡不樂屬又以正法仁化君民數如上比門懷德王又念曰吾有西土南土東土天人衆寶無珍不有今聞北方鬱單越土吾獲王之不亦善乎開口言願金

輪北向七寶四兵俱飛如前始入其界遙覩地青如翠羽色王曰爾等覩青地乎對曰見之曰斯鬱單越地又覩白地曰覩之曰斯成擣稻米爾等食之又覩諸寶樹衆輒妙衣臂剗指環瓊珞衆奇皆懸著樹曰覩之乎對曰唯然曰爾等服萬國之王治以仁化民以恕居彼年久其數如上又生意曰吾有三天下今獲北方四十萬里意欲昇忉利天之帝釋所王意始然金輪上向七寶四兵飛行昇天入帝釋宮釋覩王來歡迎之曰數服高名久欲相

見翹茲快乎執手共坐以半座坐之王左右  
顧視觀天宮殿黃金白銀水精珊瑚琉璃  
珀碑礫真珠以爲宮殿覩之心欣即又念曰  
吾有四國寶錢無數斯榮難云令天帝殞吾  
處其位不亦上願乎惡念興而神足滅釋還

榮尊者其禍高矣寶多者其怨衆矣王終後  
嗣誦其貪戒傳世爲寶四天下民尊其仁化  
奉三尊行十善以爲治法遂致永福世尊曰  
觀世妙能去榮貴捐五欲者惟獲溝港頻來  
不還應儀緣一覺無上正真道最正覺道法  
御天人師能絕之耳飛行皇帝所以存即獲  
萬四十九  
願不違心者宿命布施持戒忍辱精進禪定  
智慧之所以不空獲也頂生王者吾身是也  
佛說經竟阿難歡喜爲佛作禮

普明王經

聞如是一時佛在舍衛國祇樹給孤獨園佛告諸比丘昔者菩薩為大國王名曰普明慈惠光被十方歌懿民願其休猶慈子之寧親也鄰國有王治法以政力如師子走攫飛鳥宰人亡肉晨奔市索路覩新屍取之為肴味兼畜肉後日為饌甘不如焉王責太官宰人宰人曰慎之哉有司獲之賊曰王命爾矣羣臣諫曰臣聞王者為德仁法帝釋明則日月濟等后土潤齊乾坤含懷衆生則若虛空爾乃可為天下王耳若違仁從殘即豺狼之類矣去明就闇瞽者之儻矣替濟自沒即坏舟之等矣釋潤崇枯即火旱之喪矣背空向窒即石人之心也矣夫狼殘瞽閉坏沒火燒石人之操不可為宰人之監豈可為天下王耶若崇上德即昌好殘賊則亡二義臧否惟王

供王欲臣民嗷嗷表聞尋賊王曰宜然密告宰人曰慎之哉有司獲之賊曰王命爾矣羣臣諫曰臣聞王者為德仁法帝釋明則日月濟等后土潤齊乾坤含懷衆生則若虛空爾乃可為天下王耳若違仁從殘即豺狼之類矣去明就闇瞽者之儻矣替濟自沒即坏舟之等矣釋潤崇枯即火旱之喪矣背空向窒即石人之心也矣夫狼殘瞽閉坏沒火燒石人之操不可為宰人之監豈可為天下王耶若崇上德即昌好殘賊則亡二義臧否惟王

何之王曰孩童絕漚其可乎曰不可王曰余如之矣羣臣僉曰豺狼不可育無道不可君臣民齊心同聲逐焉王奔入山覩見神樹稽首辭曰令余反國貢神百王誓畢即行伺諸王出突衆取之猶鷹鵠之撮鳶雀執九十九

萬四

二十

王樹神人現顏華非凡謂阿羣曰爾爲無道以喪王榮今復爲元酷將欲何望乎阿羣前趣之忽然不現時普明王出察民苦樂道逢梵志梵志曰大王還官吾欲有言王曰昨命當出信言難違道士進坐吾旋在今遂出爲

阿羣所獲投之樹下王曰不懼喪身恨毀吾信耳阿羣曰何謂耶王具說道士見已之誓願一覩之受其重戒妙寶貢焉旋死不恨阿羣放之還覩道士躬敷高座道士昇座即說偈言

劫數終訖乾坤洞然須彌巨海都爲灰揚天龍福盡于中凋喪二儀尚殞國有何常生老病死輪轉無際事與願違憂悲爲害欲深禍高瘡疣無外三界都苦國有何賴有本自無因緣成諸盛者必衰實者必虛

衆生蠢蠢都緣幻居聲響俱空國土亦如識神無形駕乘四蛇無明寶養以爲樂車形無常主神無常家三界皆幻豈有國耶受偈畢即貢金錢萬二千梵志重戒之曰爾存四非常其禍必滅矣王曰敬諾不敢替明萬四戒即至樹所含笑且行阿羣曰命危在今何欣且笑答曰世尊之言三界希聞吾今懷之何國命之可惜乎阿羣媚曰願聞尊教王即以四偈授之驚喜歎曰巍巍世尊陳四非常夫不聞觀所謂悖狂即解百王各令還國阿

羣悔過自新依樹爲居日存四偈命終神遷爲王太子納妻不男王重愛之因慕國文化之令男後遂淫蕩不從真道王恚之焉磔著四衢命行人曰以指權首苟辱之矣適九十九人而太子薨魂靈變化輪轉無已值佛在世生舍衛國早喪其父孤與母居事梵志道性篤言信勇力躋象師愛友敬遐邇稱賢師每周旋輒委以居師妻懷嬖援其手姪辭誘之阿羣辭曰凡世者友男吾父之女吾母焉豈況師之所敬乎燒身可從斯亂不敢順矣

師妻憇然退思爲變婿歸婦曰子歎彼賢足  
照子否矣具爲其過女妖似真梵志信矣師  
告阿羣爾欲仙乎對曰唯然曰爾殺百人斬  
取其指今獲神仙奉命榜劍逢人輒殺獲九  
十九人指衆奔國震覩母欣曰母至數足吾

即爲沙門佛爲說宿行現四非常得溝港道  
退于樹下閉目叉手練去餘垢進取無著王  
召軍師戰士數萬尋捕妖賊未知所之道過  
佛所曰王自何來身蒙塵土對曰國有妖賊  
殺無量民今尋捕之世尊告曰夫民先修德  
萬四殺無量民今尋捕之世尊告曰夫民先修德  
而退崇邪治國之政其法何之對曰先貴後  
賤正法治之若夫先載畜心退懷聖德正法  
可止答曰吾止久矣惟爾不焉曰止義云何  
十二何之對曰先賤後貴正法賞之曰賊已釋邪  
答曰吾惡都止爾惡熾矣阿羣心開霍如雲  
崇真今爲沙門矣王歎曰善哉如來無所著  
正真道最正覺道法御天人師神妙上化乃  
除五體投地頓首悔過叉手尋蹤將還精舍

至于茲乎始爲豺狼今爲天仁稽首足下又重歎曰斯化奇矣願一覩之世尊曰可王遠官屬造之而曰上德賢者可一開眼相面乎如斯三矣答曰吾之眼睛耀射難當王稽首曰明日設微饌願一顧盼答曰於廁吾往於殿則不至王曰惟命還則裂廁掘其地則新之樟梓楠材爲之柱梁香湯沃地栴檀蘇合鬱金諸香和之爲泥氈罽雜繒以爲座席雕文刻鏤衆寶爲好煒煌煌有踰殿堂明日王身捧香鑪迎之阿羣就座王褰衣膝行供

養訖畢即說經曰廁前日之汙豈可於飯乎對曰不可曰今可乎曰可矣阿羣曰吾未覩佛時事彼妖蠱心存口言身行諸邪邪道穢化其爲臭汙甚彼溷矣屎汙可洗穢染難除賴蒙宿祚生值佛世沐浴清化去臭懷香內外清淨猶天真珠夫不覩佛不知四非常者觀其志趣猶狂者醉之以酒矣不覩賢衆而依十惡者其與豺狼共檻乎王曰善哉竒乎佛之至化乃令廁臭化爲栴檀矣說經竟即第十三  
邁歷市聞有婦人逆產者命在呼吸還如事

啓佛言爾往為其產阿羣忍然世尊曰爾望  
產云吾自生來慈向衆生潤濟乾坤者爾母  
子俱全矣受教而往至宣佛恩母子俱生退  
還尋塗疑已有殺人之酷而云普慈稽首質  
焉佛告阿羣凡人心開受道之日可謂始生  
者也不覩三尊未受童戒猶兒處胎雖有其  
目將亦何覩有耳何聞故曰未生也阿羣心  
開即得應真道佛告諸比丘昔時普明者吾  
身是也吾前世授之四偈一活百王今令得  
道不受重罪矣阿羣宿命嘗為比丘負米一

斛送著寺中上作刀一枚歡喜歡喜尊稽首而  
去負米獲多力上刀獲多寶歡喜獲端正歡  
尊獲為王作禮故為國人所拜九十九人摧  
其首遂至喪身故報前怨而斬其指後人欲  
摧見其已喪又覩沙門更有慈心後人即其  
母始有惡意故阿羣始意亦惡覩沙門更慈  
故見佛即孝種淳得淳種雜得雜善惡已施  
禍福尋之影追響應皆有所由非從自然也  
比丘願言令汝逢佛得道如願獲焉供養三  
尊有若絲髮沙門以慈呪願施者言如其言

得尚無一失菩薩執志度無極行持戒如是

六度集經卷第四

音釋

萬四

廿四

饕餮饕他刀切饕他結切  
貪財曰饕食曰饕貪食曰  
醕呼改切鷄直禁切  
肉蓄也鷄毒鳥也窮普孝  
糲女救切火熱也鼈螯施隻切  
雜也涉切樂音壁車攬居縛切怖也  
也碎裂陟草切謂憚憚音排